

«ԴԱՍԱՎԱՆԴԻՐ, ՀԱՅԱՍՏԱՆ» - Ի
ԿՐԹԱԹՈՇԱԿ
ԱՎԱՐՏԱԿԱՆ ԿՈՒՐՍԻ
ՈՒՍԱՆՈՂՆԵՐԻ ՀԱՄԱՐ

«Դասավանդիր, Հայաստան». Կրթաթոշակ

Ստացիր կրթաթոշակ քո կրթության համար և պարգևիր հավասար կրթության հնարավորություն աշակերտներին:

«Դասավանդիր, Հայաստան» հիմնադրամը, կարևորելով կրթության հասանելիությունը ինչպես դպրոցական, այնպես էլ ԲՈՒՀ-ական մակարդակում, հայտարարում է ուսման վարձավճարը ամբողջապես փոխհատուցող կրթաթոշակ՝ բակալավրիատում և մագիստրատուրայում սովորող ավարտական կուրսի այն ուսանողների համար, որոնք

- Սովորում են բնագիտական, մաթեմատիկական կամ SS ուղղվածություն ունեցող ֆակուլտետներում (STEM)
- Ունեն բարձր առաջադիմություն՝ ՄՕԳ-ը բարձր է 15-ից (20 բալանոց համակարգով)
- Պատրաստակամ են տվյալ կրթական աստիճանը ստանալուց (բակալավրիատ/ մագիստրատուրա) անմիջապես հետո միանալ «Դասավանդիր, Հայաստան»-ի Առաջնորդության զարգացման երկամյա ծրագրին:

Կրթաթոշակին դիմելու համար մինչև նոյեմբերի 10-ը անհրաժեշտ է լրացնել հետևյալ հայտադիմումը՝
<https://www.tfaforms.com/4848376>

Ընտրության գործընթացը.

- Հայտադիմում՝ <https://www.tfaforms.com/4848376>
- Անհատական հարցազրույց
- Պայմանագրի ստորագրում

Այնուհետ ընտրված մասնակիցները ըստ «Դասավանդիր, Հայաստան»-ի ժամանակացույցի կմիանան առցանց նախապատրաստական ծրագրին, իսկ 2021 թվականի հուլիսին Ուսուցիչ-առաջնորդների ակադեմիային, որից հետո կմեկնարկի ծրագրին մասնակցությունը:



«Դասավանդիր, Հայաստան»-ի Առաջնորդության զարգացման ծրագիրը

«Դասավանդիր, Հայաստան»-ը կրթական հիմնադրամ է, որի նպատակն է Հայաստանի եւ Արցախի բոլոր երեխաներին անկախ նրանց գտնվելու վայրից ու սոցիալական պայմաններից ապահովել հավասար ու որակյալ կրթությամբ: Այդ նպատակով մենք առաջարկում ենք Առաջնորդության զարգացման ծրագիր, որի շրջանակներում մասնակիցները՝ ուսուցիչ-առաջնորդները, լրացնում են մարզային շատ դպրոցներում առկա ուսուցիչների պակասը, երեխաներին ապահովում են գերազանց կրթությամբ, ինչպես նաեւ էական փոփոխություններ ու զարգացումներ են բերում համայնքներում բազմաբնույթ ծրագրերի իրականացման միջոցով:

Մեր մասնակիցները.

- ապրում ու կապ են հաստատում համայնքի հետ,
- դասավանդում են դպրոցում,
- կազմակերպում են արտադասարանային խմբակներ,
- իրականացնում են համայնքի զարգացման ծրագրեր:

Մասնակցության առավելություններ

- հնարավորություն անվճար սովորելու եւ ստանալու մանկավարժի մագիստրոսի որակավարում Հայաստանի համալսարաններում: Ուսուցման վարձը վճարում է հիմնադրամը,
- հնարավորություն մասնակցելու վերապատրաստումների, դասընթացների, մասնագիտական հանդիպումների,
- համախոհների եւ ծանոթությունների մեծ ցանցի ձեռք բերում,
- ամսական դրամական աջակցություն,
- մասնագիտական աճի հնարավորություն,
- նորարար մտքերը եւ նախագծերը իրականացնելու հարթակ,
- առաջնորդության հմտությունների զարգացման հնարավորություն,
- կարիերայի զարգացման հնարավորություն: